

列國志輯要

上海古籍出版社

古本小說集成

《古本小說集成》編委會編

列國志輯要

下
〔隋〕楊庸輯

上海古籍出版社

列國志輯要卷之五

豐城 楊 庸邦懷氏輯

男 岡鳳鳴校

第九十七節寵胥童晉國大亂

簡王十年楚以鄭又從晉命公子側率師伐鄭鄭復背晉從楚晉厲公集羣臣議伐鄭時欒書雖爲政而三郤擅權郤錡克郤犇克從步至揚並爲大夫伯宗爲人正直敢言屢向公言郤氏族大勢強宜分別賢愚稍抑其權以保全功臣之後公不聽三郤恨宗

誣宗毀謗朝政。公反殺宗。其子伯州犁奔楚。楚用爲太宰。與之謀。晉厲公素性驕侈。兼好內外。外嬖胥童。夷羊五。長魚矯。匠麗氏一班惡少。皆爲大夫。內嬖美姬。愛婢不計其數。日事淫樂。不理政事。羣臣解體。士燮見朝政日非。不欲伐鄭。卻至欒書等。欲興師。厲公從之。兵至彭祖岡。在鄆陵縣北鄭成公求救於楚。楚出師至鄆陵。今開封府鄆陵縣安營。厲公於黎明殺奔楚陣。忽陷泥淖。音淖楚公子熊茷年少恃勇。飛車趕來。爲書所擒。楚兵憤勇不能取勝。又聞魯衛師至。助晉。楚王棄營。

夜遁。書度鄭不可得。與魯衛凱還。時胥童巧佞。最得寵幸。一日奏三郤權重勢大。將來必有不軌之事。宜早除之。公曰。反狀未明。誅之恐羣臣不服。童因誣至通楚謀逆。密約楚公子熊茷爲證。許釋茷歸。公召問茷言。郤氏與吾國公子嬰齊素厚。屢通書信。言君侯淫樂無度。百姓胥怨。非吾主也。人心思慕襄公有孫名周。晉襄公之庶長子。名諱自若。立靈公。談避居於周。生一子。故名周。當靈公被弑。人心思慕文公。故迎黑臀。黑臀傳僑。僑傳州。蒲州蒲無子。故胥童教熊茷。使引孫周以搖動厲公之意。見在京師。他日南北交兵。幸而師敗。吾卽奉周以事楚。厲公

聞言便有殺至之意。童等議曰：單殺至，錡犇必叛，不如并除之。魚矯曰：至今職兼司寇，犇又兼士師，不如詐爲獄訟，覲便刺之。汝等引兵接應。一日探得三郤在講武堂議事，長魚矯與清沸魑各以雞血塗面，如爭鬪，紐殺至講武堂，控訴曲直。犇不知是計，下坐問之。沸魑竟作稟話，捱近身邊，刺犇撲地。錡至，俱被殺。副將荀偃聞信入朝，奏討賊。樂書亦至，方入朝門，遇童引兵到。書偃怒喝曰：原來是鼠輩爲亂。童呼曰：樂書、荀偃同三郤謀叛。晉侯有旨，一齊拏下。衆人圍書。

偃直擁朝堂。童奏拏得叛黨書。偃請主公裁決。公曰。一日殺三卿。又欲波及他族。寡人不忍。恕書偃無罪。復還原職。魚矯嘆曰。君不忍二人。二人將忍於君矣。卽逃奔西戎。公將郤氏盡罷歸田。以胥童羊五沸魑代三郤之位。釋棧歸楚。一日公與童等遊於匠麗氏家。三宿不歸。書偃懼童等見疑。禍終不免。偃曰。乘君臣遠出。易制子操大兵。若行大事。別立賢君。誰敢不從。書嘆曰。樂氏世忠於晉。今爲社稷出此不得已之計。後世必議我爲弑逆。我亦不能辭矣。因伏甲士於

太陰山左右。二人至匠鹿氏家。奏曰。主公棄政三日。不歸。臣民失望。臣等特來迎駕。公方起身。胥童前導。書偃後隨。至太陰山炮响。伏兵齊出。程滑先斬胥童。公被甲士拏住。囚於軍中。書曰。恐上卿士句。音蓋士。燮子。韓厥有異言。假君命召之。俱不至。是夜命滑獻航酒。公飲之而薨。士韓聞君驟薨。山城奔喪。亦不問君死之故。殯葬翼城。

第九十八節誅岸賈趙氏復興

樂書荀偃集諸大夫會議。欲扶立公孫周爲君。遣荀

罄如京師迎周卽位。四年十歲。周曰：寡人羈旅他邦，不望還鄉，豈望爲君？但所貴爲君者，以命令所自出。卿等用寡人之命，只在今日。如其不然，聽卿等更事他人。孤不能擁空名爲州蒲之續也。書等拜曰：願得賢君，敢不從命。周乃進絳城，朝太廟，嗣位。是爲悼公。卽位之日，面責羊五、沸、魑等逢君之惡，命斬首示衆。其族逐出境外。厲公之死，坐罪程滑，命磔於市。樂書震驚。終夜不寐。卽告老薦韓厥。未幾疾卒。悼公素聞厥賢，拜中軍元帥，以代書位。厥謝恩，私奏曰：晉先世之功。

無有大於趙氏者。衰佐文公。盾佐襄公。俱輸忠竭悃。取威定霸。不幸靈公失政。寵任奸臣。屠岸賈謀殺趙盾。出奔。僅免。靈公遭兵變。被弑桃園。景公嗣位。復寵岸賈。欺盾已死。指稱趙氏弑逆。追治其罪。覆滅趙宗。臣民不平。至今怨憤。天幸有遺孤趙武。尙在。主公今日賞功罰罪。旣正羊五等法。還望追錄趙氏之功。公曰。此事寡人聞先人言之。今趙武何在。厥將公孫杵臼與程嬰之事。述奏。今藏匿孟山十五年矣。公曰。卿可爲寡人召之。厥曰。岸賈在朝。主公須密其事。公曰。

寡人知之。厥奉命往迎程嬰爲御。同武入朝。厥引見悼公。公匿武於宮中。託言有疾。次日。厥率百官問安。岸賈亦在。公曰。寡人之疾。只爲功勞簿上有一事未明。因此不快。諸大夫曰。有何事不明。公曰。趙衰趙盾兩世立功於國家。安忍絕其宗祀。衆曰。趙氏族滅已十五年。主公雖念其功。無人可立。公卽呼武出。遍拜諸將。咸問曰。此位小郎君何人。厥曰。趙氏孤兒也。向所諫者。程嬰之子。岸賈拜伏於地。不能措詞。公曰。此事皆屠岸賈所爲。今日不族岸賈。何以慰趙氏冤魂。

中丞者。推出斬首。卽命厥同武領兵圍屠宅。無少長。皆殺。祖之誓。武請岸賈首祭父朔墓。國人稱快。公旣族屠。卽召武朝堂加冠拜爲司寇。代岸賈之職。又高程嬰義俠。用爲軍正。嬰曰。始吾苟延爲趙孤也。今旣復舊報讐。尙可貪富貴而令杵曰。獨亡乎。吾將報於地。下遂自刎。武撫尸痛哭。請與杵曰。同葬雲中山。今太原府原。縣名。二義塚。武服齊衰三年。以報其德。悼公旣立。趙武又召趙勝於宋。仍以邯鄲畀之。勝舊封邑。今廣平府大正羣臣之位。尊賢使能。蠲賦薄歛。百姓大悅。宋魯諸國。

莫不來朝

第九十九節晉悼公駕楚會蕭魚

周簡王十四年崩太子泄心卽位是爲

靈王始生時便有髭鬚又謂髭王元年鄭成公薨公子

駢等奉世子髡頑卽位是謂僖公晉悼公以鄭人未

服大合諸侯於臧地衛謀之魯大夫仲孫蔑曰鄭地之

險莫如虎牢卽今虎牢關乃楚鄭相通之要道若築城設

關以偪之鄭必從矣楚降將巫臣曰吳楚一水相通

吳每侵楚楚人苦之今若導吳伐楚楚東苦吳兵安

能北爭鄭乎。悼公兩從之。時齊靈公遣世子光同上。

卿崔杼來會。所聽命。悼公合九路。宋魯衛曹莒兵力。

大城虎牢。留重兵守之。鄭僖公果懼。行成於晉。悼公

乃還。時中軍尉祁奚年七十餘。告老公。問孰可代卿

者。奚薦解狐。公曰。狐卿之讐。奚曰。君問可。非問臣之

讐也。公召狐。已死。復問。奚曰。其次莫如午。公曰。午卿

之子。奚曰。君問可。非問臣之子也。公曰。今中軍尉副

羊舌職亦死。卿擇其代。奚曰。職有二子。赤。肸。皆賢。公

乃召祁午爲中軍。羊舌赤副之。諸大夫皆悅服。楚共

王進右尹壬夫爲令尹。壬夫貪鄙，索賂屬國。陳成公不能堪，使轅僑如請服於晉。悼公復會諸侯於戚。吳子壽夢亦來聽好。中國之勢大振。共王怒，失陳歸罪壬夫，殺之用其弟公子貞爲令尹，興師伐陳。時成公已薨，世子弱嗣位，是爲哀公。懼楚兵威，復歸於楚。悼公聞之，欲起兵爭陳。時楚已得陳，又移師伐鄭。僖公欲堅守以待晉救。公子駢請以犧牲玉帛陳於境上，楚來盟。楚晉來盟，晉兩雄併力，擇強而附。僖公曰：如駢言，朝夕待盟，無寧日矣。欲遣使求援於晉，諸大夫

懼違駢意。不敢行。僖公親出夜宿館驛。駢使人刺之。
託言暴薨。立僖公弟嘉。是爲簡公。使報楚曰。從晉皆
髡頭。今已死。願聽盟罷兵。貞受盟而退。悼公聞之。問
諸大夫曰。鄭陳俱叛。伐之何先。智罃罃父荀首。食采於智。因以爲氏。曰。鄭爲中國之樞。從來圖霸。必先得鄭。寧失十陳。不
可失一鄭也。公曰。鄭人反覆。兵至則從。兵撤復叛。欲
其堅附。當用何策。罃曰。晉不能收鄭者。以楚爭之故。
今欲收鄭。必先敝楚。敝楚當用以逸代勞之策。用是
軍分三軍。各國分配。第一上軍。元帥荀偃。偃父荀庚。魯爲中行。

將軍又謂

中行偃副將韓起

厥次子

魯曹邾三國以兵從中軍

副將范旬

卽士旬

接應二下軍元帥欒黶副將士魴

子齊滕薛以兵從中軍上大夫魏頡接應三新軍元

帥趙武副將魏相宋衛郕以兵從中軍下大夫荀會

接應凡出征先上軍次下軍又次新軍中軍兵將分

配接應周而復始但取盟約爲功不許與楚交戰營

定分軍之令方欲伐鄭忽宋告急乃楚鄭屢合兵侵

宋以偃陽

國名姁姓子爵在兖州澤縣

爲東道荀偃曰楚得陳鄭

而復侵宋意在與晉爭伯偃陽爲楚伐宋之要道先